

ՀՀ կրթության և գիտության նախարարություն
Գեղագիտության ազգային կենտրոն

ԿԱՆՈՆԱԿԱՐԳ

**«ՀԱՅՈՑ ԱՇԽԱՐՀԻ ՄԱՅՐԱՔԱՂԱՔՆԵՐԸ»
Համահայկական մանկապատանեկան նկարչական
VIII մրցույթ-փառատոնի**

Համահայկական մանկապատանեկան նկարչական VIII մրցույթ-փառատոնը նվիրվում է Երևանի 2800-ամյակին և Հայաստանի պատմական մայրաքաղաքներին:

Մրցույթ-փառատոնն առաջարկում է լայն անդրադարձ կատարել Հայկական լեռնաշխարհի տարբեր դարաշրջանների մայրաքաղաքներին:

Պատմությունը պահպանել է մայրաքաղաքների կառուցման, գոյության ծաղկման և անկման բազմաթիվ գունագեղ պատկերներ: Մայրաքաղաքներն ուրույն տեղ են գրավել գրականության, երգ-երաժշտության, ժողովրդական բանահյուսության մեջ: Ե՛վ պատմական մայրաքաղաքները, և՛ ներկայիս Երևանը հայտնի են իրենց ճարտարապետությամբ, այնտեղ ապրում և գործում էին ականավոր պատմական, գրական, գիտական դեմքեր: Ուստի մասնակիցները կարող են գեղագիտական անդրադարձ կատարել պատմական բոլոր դրվագներին, արվեստի կոթողներին, գործիչներին, ընդունելի է բանաստեղծների և գրողների ստեղծագործություններում ստեղծված պատկերների ներկայացումը, պատմական և տարածական զուգակցումները:

Փառատոնում հատուկ տեղ կունենան նաև ապագա երևակայական Երևանի պատկերները:

Խրախուսվում են նախագծային աշխատանքները:

Մրցույթ-փառատոնի մասնակիցները

Մրցույթ-փառատոնին կարող են մասնակցել երկու տարիքային խմբեր.

- 6-13
- 14-18:

Մրցույթ-փառատոնի անցկացման կարգը

Մրցույթն անցկացվելու է երկու փուլով:

Առաջին փուլում աշխատանքները ներկայացվում են էլեկտրոնային տարբերակով՝ մինչև **2018 թ. հունիսի 15-ը**: Մասնագիտական հանձնաժողովի կողմից ընտրվում են լավագույն աշխատանքները՝ ցուցահանդես(ներ)ի կազմակերպման և կատալոգի տպագրման համար:

Երկրորդ փուլում մասնակիցները ներկայացնում են իրենց աշխատանքների բնօրինակները՝ ցուցադրման համար: Ցուցահանդեսին ներկայացված նկարների հեղինակներից կընտրվեն հիմնական և խրախուսական մրցանակակիրները:

Ստեղծագործությունների գնահատման հիմքերը

Աշխատանքների գնահատման ընթացքում նախապատվությունը տրվելու է տեխնիկական և բովանդակային պահանջների համապատասխանությանը, գաղափարի գեղարվեստական կատարման յուրօրինակությանը և որակին, պատմական կամ պատմամշակութային նյութի իմացությանը:

Նկարները պետք է լինեն **A2 (420x594մմ) կամ A3 (297x420մմ)** չափի: **Նշված չափերին չհամապատասխանող աշխատանքները մերժվելու են: Չափսերի մասին տեղեկություն չուղարկած հայտերը չեն դիտվելու:**

Աշխատանքները կարող են կատարվել կերպարվեստի ցանկացած ճյուղի միջոցով (գրաֆիկա, գեղանկարչություն, քանդակ, խեցեգործություն, դեկորատիվ կիրառական արվեստ և այլն), ցանկացած նկարչական նյութով (ջրաներկ, գուաշ, ակրիլ, ածուխ, պաստել, կավ, տեքստիլ, մետաղ, փայտ և այլն):

Ստեղծագործությունների ներկայացման պայմանները

Առաջին փուլում աշխատանքների պատկերները PDF կամ JPG ձևաչափով ուղարկվում են Գեղագիտության ազգային կենտրոնի կողմից սպասարկվող **nkarchakan@gmail.com** էլեկտրոնային հասցեյին մինչև **2018 թ. հունիսի 15-ը ներառյալ**: Պատկերների մեծ քանակի և ծավալի դեպքում ցանկալի է դրանք ուղարկել ոչ թե կցելով նամակին, այլ տեղադրելով որևէ առցանց արժանույն (օրինակ՝ GoogleDrive, Picassa, 4shared.com և այլ):

Առաջին փուլում պատկերը ուղարկելիս անհրաժեշտ է պահպանել հետևյալ **պարտադիր** կանոնները.

1. PDF կամ JPG ֆայլերը ունենան նկարի հեղինակի ազգանունը և անունը՝ որպես ֆայլի անվանում,
2. էլեկտրոնային նամակում նշված լինի ստեղծագործության անվանումը, չափը և տեխնիկան, հեղինակի անուն, ազգանունը, բնակության երկիրը, քաղաքը, տարիքը և կրթական հաստատությունը (այն դեպքում, եթե նկարը ներկայացվում է ոչ թե անհատի, այլ որևէ կրթօջախի կողմից) և կապի միջոց՝ էլ. հասցե, հեռախոսահամար, հասցե:
3. նկարչություն դասավանդող մանկավարժի անուն, ազգանունը:

Նույն տեղեկությունները պետք է լինեն նաև փակցված **ստեղծագործության վրա ետևի մասում՝** բնօրինակը **երկրորդ փուլին** ներկայացնելու ժամանակ:

Երկրորդ փուլում ընտրված աշխատանքների բնօրինակները մինչև **սեպտեմբերի 1-ը** փոստով կամ առձեռն պետք է փոխանցվեն Գեղագիտության ազգային կենտրոնին.

National Centre of Aesthetics, Children's art museum, Abovyan 13, Yerevan, 0001, Armenia Yerevan,

0001, Երևան, Աբովյանի 13, Գեղագիտության ազգային կենտրոն, Մանկական ստեղծագործության թանգարան

Ծրարի վրա պետք է լինի «**HAMAHAYKAKAN NKARCHAKAN MRTSUYT**» նշումը:

Պարգևները՝

Մրցույթ-փառատոնի առաջին փուլի բոլոր հաղթողները կստանան ցուցահանդեսի պատկերագիրքը (կատալոգ):

Երկրորդ փուլում հաղթողները կստանան ՀՀ կրթության և գիտության նախարարության պատվոգրեր և շնորհակալագրեր:

Մրցույթ-փառատոնի ժամանակացույցը

N	Գործողություն/աշխատանք	Ժամկետ
1.	Առաջին փուլում աշխատանքների ներկայացման վերջնաժամկետ	2018թ. հունիսի 15
2.	Առաջին փուլի արդյունքների ամփոփում	2018թ. հուլիսի 15
3.	Երկրորդ փուլի աշխատանքների բնօրինակների ներկայացման վերջնաժամկետ	2018թ. սեպտեմբերի 1
4.	Ցուցահանդես(ներ)ի կազմակերպում	առաջին՝ 2018թ. հոկտեմբերին
5.	Հաղթողների հայտարարում, պարգևատրում և փակման արարողություն	2018թ. դեկտեմբեր (պայմանական)

Հավելյալ հարցերով կարելի է դիմել.

Հայաստանի Հանրապետության կրթության և գիտության նախարարություն.

հեռ. +374 10 58-13-91

ֆաքս. +374 10 52-73-43

Էլ.փոստ. spyurq@yahoo.com

Կայքէջ. www.edu.am

Էջ Facebook-ում. «Սփյուռքի բաժին ՀՀ կրթգիտնախ»

Գեղագիտության ազգային կենտրոն.

հեռ. +374 99 73-18-26 Եվա Խաչատրյան

Էլ.փոստ. nkarchakan@gmail.com

Կայքէջ. www.nca.am

Էջ Facebook-ում. «National Center of Aesthetics»